

ADMINISTRACIÓN LOCAL

PROVINCIAL

DEPUTACIÓN PROVINCIAL DA CORUÑA

Secretaría Xeral. Sección de Información e Actas

Resolución pola que se aproban as bases e se convoca a VIII edición do premio Rosalía de Castro de lingua 2017 da Deputación da Coruña

ANUNCIO

Oficialía Maior

Unidade Técnica de Normalización Lingüística

RESOLUCIÓN POLA QUE SE APROBAN AS BASES E SE CONVOCA A VIII EDICIÓN DO PREMIO "ROSALÍA DE CASTRO" DE LINGUA 2017 DA DEPUTACIÓN DA CORUÑA

O presidente desta Corporación, por resolución número 3611 do 02/02/2017 aprobou:

- 1.º. As bases da VIII edición do Premio "Rosalía de Castro" de Lingua 2017.
- 2.º. Os gastos relativos a este expediente, que ascenden a 6.600 euros e que se imputarán á partida presupostaria 0111/3344/22699 n.º operación 220170000606 Referencia n.º 22017000881.
- 3.º. Publicar no Boletín Oficial da Provincia as bases do Premio "Rosalía de Castro" de Lingua 2017 para os efectos de anunciar oficialmente a súa convocatoria.

ANEXO

VIII Premio "Rosalía de Castro" de Lingua 2017

En memoria de Rosalía de Castro, coa fin de recoñecer a promoción e dignificación do noso patrimonio lingüístico de forma desinteresada, a Deputación da Coruña convoca a VIII edición do premio de acordo coas seguintes bases:

BASES

Primeira.-Obxectivos.

A convocatoria do Premio "Rosalía de Castro" de promoción da lingua galega está destinada a recoñecer iniciativas, traballos recentes, traxectorias de persoas individualmente, colectivos ou entidades comprometidas coa promoción e dignificación social do noso patrimonio lingüístico, quer no ámbito da provincia, quer a nivel galego. Será especialmente significativo o traballo con aqueles sectores de especial relevancia para o futuro do galego.

Segunda.-Persoas ou colectivos destinatarios.

Calquera persoa, colectivo, asociación ou entidade ligada a proxectos que se desenvolvan ou relacionen coa promoción do galego, coa súa residencia ou sede social no territorio galego e aquelas que teñan unha especial incidencia ou desenvolvan a súa actividade na provincia da Coruña.

Terceira.-Méritos que se valoran.

Para conceder os premios o xurado terá en conta os seguintes criterios:

- Tarefa continuada desenvolvida a favor da promoción da lingua galega.
- Actuacións concretas (previstas ou desenvolvidas) no ano 2017 a favor da dignificación social da lingua galega.
- Uso habitual e digno do galego nas súas actividades e nos seus servizos.
- Campañas de información e/ou publicitarias en galego.
- Contribución á galeguización de sectores de especial relevancia económica, social e cultural.
- Labor dirixido especialmente aos tramos de poboación de menor idade, infancia e mocidade.

O xurado poderá valorar outros méritos, que dará a coñecer, das persoas, colectivos ou entidades que se proponhan.

Cuarta.-Premios.

Os premios concederánselles ás persoas, colectivos, asociacións ou entidades de ámbito galego en xeral e/ou da provincia da Coruña en particular, que destaquen pola súa traxectoria na promoción e dignificación da lingua galega ou que salienten por actividades que impliquen o espallamento da lingua galega no ano en curso.

Haberá dúas categorías:

- Premio "Rosalía de Castro" de Lingua 2017 a aquela persoa, colectivo, entidade pu asociación que máis destaque na promoción da lingua galega, dotado coa cantidade de 3.000 € estando incluídos nesta cantidade os impostos que lle foren aplicables.
- Premio "Rosalía de Castro" de Lingua 2017 a aquela persoa, colectivo, entidade ou asociación que realice un traballo específico cos tramos da poboación de menor idade, infancia e mocidade, dotado con 3.000 € estando incluídos nesta cantidade os impostos que lle foren aplicables.

Quinta.-Prazo.

O prazo de presentación das candidaturas comezará o día seguinte da publicación desta convocatoria no Boletín Oficial da Provincia e rematará o 30 de xuño.

A proposta de candidaturas será libre e non se poderá autocandidatar.

As solicitudes presentaranse no Rexistro Xeral da Deputación da Coruña, Avda. do Porto 2, 15006 A Coruña, tomando como modelo o que figura como anexo a estas bases. Indicarase no sobre VIII Premio "Rosalía de Castro" de Lingua 2017, ou no enderezo electrónico normalizacion.linguistica@dacoruna.gal

O xurado poderá propor candidaturas no transcurso da súa reunión.

Sexta.-Xurado.

O xurado estará presidido polo Sr. Presidente da Deputación, ou deputado/a en quen delegue, e formarán parte del a Sra. Deputada presidenta da Comisión de Cultura e Normalización Lingüística, e catro persoas de recoñecido prestixio no ámbito da lingua galega. Actuará como persoa secretaria, con voz e sen voto, o da Deputación ou o/a funcionario/a en que delegar.

A composición do xurado farase pública, con anterioridade á súa reunión, no BOP e no taboleiro e na páxina web da Deputación, co fin de que se poidan interpor, se for o caso, os recursos legais pertinentes. O xurado reunirse en sesión a ser posible única, e será necesaria a asistencia da maioría simple dos seus membros. Para os efectos da validez da súa constitución aplicarase o disposto no art. 26.1 da Lei 30/1992 do réxime xurídico das administracións públicas e do procedemento administrativo común. As deliberacións serán secretas e delas redactarase a acta correspondente.

O xurado presentaralle a súa proposta ao presidente desta Deputación que é o órgano competente para resolver este premio. O xurado poderá propoñer que se declare deserto o premio. A súa decisión terá lugar no segundo semestre do ano, darase a coñecer no taboleiro de anuncios, na páxina web da Deputación, e a través dos medios de comunicación. O xurado queda facultado para interpretar estas bases.

Sétima.-Candidaturas non seleccionadas.

A documentación presentada poderaa recoller ata 30 días despois da concesión do premio algunha das persoas que formalmente presentaron a proposta, na Sección de Actas e Información – Unidade Técnica de Normalización Lingüística.

Pasado este tempo entenderase que renuncian á súa propiedade.

Oitava

A participación nesta convocatoria supón a total aceptación destas bases.

ANEXO

VIII PREMIO "ROSALÍA DE CASTRO" DE LINGUA 2017

PRESENTACIÓN DE CANDIDATURAS

Persoa/s ou entidade/s que formula a proposta:

Nome ou razón social:

Enderezo postal:

Teléfono:

Enderezo electrónico:

Datos da candidatura

Nome: Representante:

Enderezo postal:

Teléfono:

Enderezo electrónico:

Enderezo web:

Ano desde o que traballa prol da lingua e cultura galegas:

Méritos que se alegan (indique as accións que teña entre os seus obxectivos a promoción da lingua galega ou calquera outra circunstancia que considere de interese para valorar a candidatura):

.....
.....
.....

Documentación que entregan para acreditar os méritos:

.....
.....
.....

..... de de 2017.

(Nome e sinatura)

XURADO DO PREMIO "ROSALÍA DE CASTRO" DE LINGUA 2017

A Coruña, 3 de febreiro de 2017.

O PRESIDENTE

Valentín García Formoso

O SECRETARIO

José Luis Almu Supervía

2017/954